



Cov Lus Nug Uas Nquag Nug (Frequently Asked Questions, FAQs) Txog Cov Lus Qhia

Cov Tsev Ua Hauj Lwm Saib Xyuas Kev Ntseeg, Cov Tsev Pam Tuag, Cov Tsev Faus Tuag, Cov Toj Ntxas *(Hloov Kho Dua Tshiab 1-11-2021)*

Hauv qab no yog cov nqe lus teb rau cov lus nug uas nquag nug txog Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) [Cov Lus Qhia Txog Feem Ua Hauj Lwm uas siv rau Cov Tsev Ua Hauj Lwm Saib Xyuas Kev Ntseeg, Cov Tsev Pam Tuag, Cov Tsev Faus Tuag, Cov Toj Ntxas](#). Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muab cov lus nug uas nquag nug (frequently asked questions, FAQs) no txhawm rau pab ua kom zej tsoom nkag siab txog cov lus qhia, teb tau cov lus nug ntawm tus neeg muaj feem xyuam, thiab tshab txhais kom meej txog kev yuav siv cov lus qhia li cas nyob rau cov tsham ua ntu zus tshwj xeeb. Tej zaum cov lus nug uas nquag nug (frequently asked questions, FAQs) no kuj yuav raug kho dua tshiab yam sib quas ua ntu zus. Cov Lus Nug Uas Nquag Nug (Frequently Asked Questions, FAQs) no tsis yog yuav siv los mus hloov chaw rau cov lus qhia, tab sis mas yog siv los mus tshab txhais, muab kev pab ntxiv, thiab pab qhia ntxiv kom nkag siab txog cov ntsiab lus meej tseeb ntawm cov lus qhia no.

Cov Tsev Ua Hauj Lwm Saib Xyuas Kev Ntseeg

Q1: Cov lus qhia uas tsim nyog siv rau cov qauv ntaus tswv yim ntsig txog chaw zaum uas siv tau, kev cais chaw, kev siv tuav tes, kev nyob kom sib nrug deb ntawm lub cev thiab kev sib chwv ntsig txog lub cev nyob rau hauv cov tsev ua hauj lwm saib xyuas kev ntseeg hais tseg li cas?

A1: Tsuas pom zoo siv tau rau cov tswv cuab hauv tib yim neeg nkaus xwb, txwv tsis pub siv kev sib tuav tes, kev sib puag thiab lwm cov kev sib chwv ntsig txog lub cev rau cov tib neeg, raws li [Cov Lus Qhia uas siv rau Cov Tsev Ua Hauj Lwm Saib Xyuas Kev Ntseeg](#). Txoj hau kev uas zoo tshaj plaws txhawm rau txo kom tsis txhob muaj kev sib kis kab mob los ntawm Tus Kab Mob Khaus Viv-19 (COVID-19) yog yuav tsum tswj kev nyob kom sib nrug deb ntawm lub cev kom tau yam tsawg li rau (6) fij (feet) los ntawm cov tswv cuab uas tsis nyob rau hauv koj yim neeg. Peb nkag siab tias qhov no yog ib yam nyuaj heev rau hauv cov zej zos vim kev nyob sib ze thiab kev sib hais lus yog ib feem ntawm kab lis kev cai.

Rau cov rooj zaum, cov qauv ntaus tswv yim txhawm rau ua raws li cov kev cai uas yuav tsum ua kom tau txog ntawm kev nyob kom sib nruag deb tej zaum yuav muaj xam nrog rau kev muab cov rooj zaum (teej ib) tshem tawm es kom muaj chaw seem dav rau ntawm cov pab pawg yim neeg. Rau cov tsev uas tshem tsis tau cov rooj zaum lawm xws li kem zaum mloog kev hawm tswv ntuj, ces yuav tau txhob pub neeg zaum ib kab rooj los sis siv ntaub nplaum lo cais kom lub cev nyob sib nruag deb tau thiaj li tiv thaiv tau zoo.

Q2: Puas yuav tsum tau muaj cov kev ceev faj (kev tiv thaiv) tshwj xeeb dab tsi txog rau kev hu nkauj los sis lwm cov feem yas suab ntawm pab cov kev pab cuam?

A2: Kev hu nkauj yog ib txoj hauj lwm muaj feem ntsig txog kev sib kis ntawm Tus Kab Mob Khaus Viv-19 (COVID-19), vim kev siv lub zog hu nkauj feem ntau yeej yuav ua rau cov kab mob nyob tom lub qa raug tshuab ya tawm los ua cov hmoov dej ya. Kev kho cov khoom paj nruag xws li brass los sis woodwind los yeej muaj pheej hmoo kis tau tus kab mob tau zoo sib xws ib yam nkaus. Yuav tsum rau cov ntaub npog qhov ncauj qhov ntswg, cov nab kaj npog ntsej muag los sis cov ntaub npog ntsej muag thaum tab tom hu nkauj thiab tab tom tshuab twj paj nruag. Vim kev pheej hmoo ntawm cov hom kev ua yeeb yam no, thiaj li qhia yam tawv qhawv kom yuav tsum tau ua zoo xav txog cov qauv ntaus tswv yim uas tau teev muaj raws li nram qab no.

- Ua zoo xav txog kev tswj xyuas qhov kev ua yeeb yam ciaj sia saum huab cua ntawd rau cov neeg tuaj koom saib txhawm rau kom thiaj li txo tau qhov coob tsawg ntawm cov kev sib sau nyob ua ke uas tim ntsej tim muag.
- Ua zoo xav txog kev nyob kom sib nruag deb ntawm lub cev txij no tod raws li kev nyob kom sib nruag deb ntawm lub cev li ntawm rau (6) fij (feet) raws li tau pom zoo thiab muab cov kev ua yeeb yam tshem tawm mus ua rau sab nraum zoov.
- Thaum tab tom ntaus cov twj paj nruag tooj daj thiab cua, ua zoo xav txog kev muab qhov kev ua yeeb yam ntawd tshem tawm mus ua rau ntawm cov chaw rau kev ua si sab nraum zoov thiab npog kom zoo txhawm rau txuag kom tsis txhob muaj cov iab oo dej ya los mus raug rau thaum tab tom siv qhov twj paj nruag ntawd.
- Ua zoo xav txog kev siv cov tshuab xa suab los sis lwm cov khoom siv txhawb kom lub suab nrov zoo txhawm rau pab txo kom tsis txhob muaj neeg qw nrov thiab kom cov neeg ua yeeb yam tsis txhob tau qw suab nrov.

Q3: Lawv cov lus qhuab qhia txog kev muab cov khoom noj rau hauv lub chaw hawm tswv ntuj kom muaj kev nyab xeeb yog muaj li cas xwb?

A3: Yog yeej raug npaj yam khoom noj hawm tswv ntuj tseg lawm, tus neeg npaj yam khoom noj hawm tswv ntuj yuav tsum ntxuav tes nrog tshuaj sab npum thiab dej sov kom ntev tsawg kawg yog 20 chib (xis nkoos) ua ntej thiab tom qab yuav pib npaj ua.

- Cov tus neeg faib khoom noj hawm tswv ntuj yuav tsum rau ib daim ntaub npog qhov ncauj qhov ntswg, daim nab kaj npog ntsej muag los sis daim ntaub npog ntsej muag thaum tab tom faib khoom noj hawm tswv ntuj. Txhua tus neeg faib khoom noj hawm tswv ntuj yuav tsum ntxuav lawv txhais tes nrog tshuaj xab npum thiab dej los sis siv tshuaj tsuag tua kab mob rau ntawm tes uas muaj cawv tim yam tsawg txog li 60% tom qab hle daim npog ntsej muag thiab kiag thaum ua ntej yuav faib cov khoom noj hawm tswv ntuj.
- Cov neeg faib khoom noj hawm tswv ntuj yuav tsum zam tsis txhob siv lawv txhais tes chwv cov khoom noj thaum faib cov khoom noj hawm tswv ntuj.
- Tsis xav kom siv ib lub khob uas ib txwm siv hais cov khoom noj hawm tswv ntuj. Ua zoo xav txog kev faib cov khoom noj nco txog yes xus pluas mov kawg sib cais tawm nyias li rau nyias cov khob es txhob muab tso rau hauv lub tais es kom thiaj li muaj chaw seem txaus rau cov neeg sib txuas lus los mus xaiv ib khob khoom noj ntawd yam tsis txhob sib tuav (chwv) nrog lwm tus.
- Yuav tsum qhia rau cov neeg no kom caiv nyob sib nrug deb tsawg kawg yog rau (6) fij (feet) ntawm lawv tus kheej thiab lwm cov neeg. Yuav tsum kos cim rau ntawm tej npoo tsev kom ua raws li cov lus qhia siv no.

Q4: Puas muaj cov lus qhia kom muab kev tsuag tshuaj tua kab mob rau ntawm cov chaw ua ntej thiab tom qab ua cov koob tsheej?

A4: Thov saib raws li peb cov lus qhia txog kev tu ntxuav kom huv si nyob rau [ntawm no](#).

Q5: Rau cov tsev ua hauj lwm saib xyuas kev ntseeg uas muaj feem saib xyuas kev nyab xeeb rau cov neeg, puas yuav tsum tau kuaj xub thawj rau cov neeg seb puas muaj mob rau thaum rov qab qhib? Yog yuav tsum tau kuaj, leej twg yuav yog feem los muab kev cob qhia ntawd?

A5: Cov chaw hawm tswv ntuj hauv cov zej zos tsis tas yuav tsum tau kuaj xub thawj. Li cas los xij, nws yuav tsum muaj [daim paib qhia](#) uas ceeb toom qhia rau cov neeg kom nyob twj ywm hauv tsev yog hais tias lawv muaj cov tsos mob uas muaj feem sib cuam tshuam txog Tus Kab Mob Khaus Viv (COVID) los sis yog hais tias lawv yog ib feem ntawm cov pej xeem neeg uas tau raug txheeb xyuas tshwj xeeb lawm hais tias muaj kev raug tau Tus Kab Mob Khaus Viv-19 (COVID-19) yooj yim.

Q6: Yog cov chaw no rov qab qhib dua, thiab cov tswv cuab tsis taus (hnuv nyoog tshaj 65 xyoos, muaj tej yam muaj mob, thiab lwm yam) tsis kam lees nyob sib nrug deb, peb yuav tsum tau ua li cas?

A6: Saib xyuas kom cov neeg laus thiab cov neeg uas raug pom tias yog cov neeg yuav muaj pheej hmoo kis tau Tus Kab Mob Khaus Viv-19 (COVID-19) nyob twj ywm rau hauv tsev yog ua tau. Hais kom cov neeg laus thiab cov tswv cuab tsis taus no siv is tawj nev (internet) sib txuas lus sib tham los sis sib tham pom duab thaum nyob tom tsev yog lawv muaj cov khoom siv no. Yog hais tias cov tib neeg tuaj rau ntawm cov chaw muab kev pab cuam, lawv yuav tsum tau rau cov ntaub

npog qhov ncauj qhov ntswg, cov nab kaj npog ntsej muag los sis cov ntaub npog ntsej muag thiab xyuas kom paub tseeb tias tswj tau kev nyob kom sib nrug deb ntawm lub cev txhua lub sij hawm.

Q7: Peb muaj peev xwm nrhiav tau cov lus qhia uas siv rau cov kev sib sau nyob ua ke, cov chav kawm ntawv ntawm cov me nyuam yaus nyob rau lub sij hawm muab cov kev pab cuam, cov yeej pw xub tsuag, thiab lwm yam ntxiv nyob rau qhov twg?

A7: Thov siv [Cov Lus Qhia Rau Cov Txheej Txheem Pab Cuam Rau Cov Neeg Hluas Thoob Plaws Lub Xeev](#).

Cov chav kawm ntawv ntawm cov me nyuam yaus los sis cov txheej txheem pab cuam lwm yam uas xav tias yog lub chaw (tsev) zov me nyuam yaus yuav tsum tau ua raws li [cov lus qhia uas siv rau lub chaw \(tsev\) zov me nyuam yaus](#) tsuas yog thaum hais tias lawv tau txais kev pom zoo qhib ua hauj lwm tau tam li yog ib Lub Chaw (Tsev) Zov Me Nyuam Yaus Rau Thaum Muaj Xwm Txheej Kub Ntxhov Ceev lawm nkaus xwb.

Q8: ib “lub chaw dawb huv” yog ib lub chaw dawb huv uas siv tshwj xeeb rau kev ntseeg, xws li cov chaw teev hawm thiab cov tsev hauj sam. Rau cov zej zos uas “lub chaw dawb huv” yog tseem ceeb, cov lus qhia siv rau ntawm lub chaw ntawd rau cov hom phiaj tshwj xeeb no yog muaj dab tsi xwb? Tej zaum tsuas pub sib sau ua ke rau sab nrauv zoov tau, cov cai siv uas cov neeg siv rau ntawm cov chaw zej zos yog muaj li cas?

A8: Peb nkag siab tias txhua hom kev ntseeg nyias muaj nyias yam tshwj xeeb rau kev teev hawm, kev ua kab lis kev cai thiab ua kev zoo siab uas yuav tsis haum zoo tau yooj yim rau cov lus qhia siv thauj pais no. Rau cov kev ua qauv piv txwv no, yeej tseem yuav tsum tau txuag kev nyob kom sib nrug deb ntawm lub cev, xyaum ntxuav tes tas li, ua kom paub tseeb hais tias muaj kev tu ntxuav kom huv si rau cov chaw (npoo) tuav nyob chaw siab thiab yuav tsum siv cov ntaub npog qhov ncauj qhov ntswg, cov nab kaj npog ntsej muag los sis cov ntaub npog ntsej muag. Rau kev paub ntau ntxiv txog kev ntxuav tes, cov ntaub npog ntsej muag thiab cov kev xyaum kev tu ntxuav kom huv si, thov mus saib tau rau ntawm peb lub vas sab (website) [ntawm no](#).

Q9: Yog hais tias kuv cheeb tsam zej zos uas nyiam rau fab kev ntseeg tsis muaj ib lub chaw los mus sib ntsib, puas tso cai rau peb xauj tau lwm qhov chaw, xws li ib lub khw noj mov, rau ua peb cov kev pab cuam ntawd?

A9: Tau, cov cheeb tsam zej zos uas nyiam rau fab kev ntseeg tej zaum yuav tau siv lwm cov chaw rau cov kev pab cuam ntawd. Li cas los xij, cheeb tsam zej zos uas nyiam rau fab kev ntseeg ntawd yuav tsum tau ua raws li [cov lus qhia uas siv rau cov tsev ua hauj lwm saib xyuas kev ntseeg](#). Piv txwv li, yog hais tias ib cheeb tsam zej zos uas nyiam rau fab kev ntseeg xauj ib lub chaw uas yog khw noj mov, txwv tsis pub cheeb tsam zej zos uas nyiam rau fab kev ntseeg ntawd qhib lub khw noj mov ntawd thiab yuav tsum siv lub chaw ntawd rau cov kev pab cuam fab kev ntseeg nkaus xwb.

Q10: Cov rooj sib tham txog kev txhim kho kom rov zoo li qub (piv txwv li, Cov Neeg Quav Dej Cawv Uas Tsis Paub Tus Tswv) uas teeb tsa nyob rau sab hauv cov tsev ua hauj lwm saib xyuas kev ntseeg yuav tsum tau ua raws li cov ciam txwv txog qhov coob tsawg ntawm kev pub muaj neeg nyob coob kawg nkaus thiab cov lus qhia dab tsi?

A10: Cov rooj sib tham txog kev txhim kho kom rov zoo li qub uas teeb tsa nyob rau sab hauv cov tsev ua hauj lwm saib xyuas kev ntseeg yuav tsum tau ua raws li cov kev cai uas yuav tsum ua kom tau uas siv rau cov rooj sib tham hauv cheeb tsam zej zos raws li tau txeev tseg hauv [Cov Lus Qhia Txog Txhua Yam \(Thai Pais\) rau Cov Tswv Num thiab Cov Koom Haum](#). Txog rau cov ciam kev pub muaj neeg nyob ua ke coob tsawg npaum li cas thiab cov them kev pheej hmoo uas siv rau cov zos, thov mus saib rau ntawm [Daim Tsham Qhia Cov Lus Qhia Txog Them Kev Pheej Hmoo Uas Siv Rau Feem Ua Hauj Lwm](#).

Cov rooj sib tham txog kev txhim kho kom rov zoo li qub yuav tsum tau ua raws li [Cov Lus Qhia txog kev siv Cov Ntaub Npog Qhov Ncauj Qhov Ntswg, Cov Ntau Npog Ntsej Muag, Cov Nab Kaj Npog Ntsej Muag Thoob Plaws Lub Xeev](#) thiab xyuas kom paub tseeb tias tswj tau kev nyob kom sib nrug deb txog li rau (6) fij (feet) los ntawm tag nrho cov neeg tuaj koom thiab cov neeg ua hauj lwm.

Q11: Yog hais tias kuv muaj cov neeg nyob hauv kuv vaj tsev rau cov hom phiaj kev ntseeg, xws li rau ib kev kawm paub txog vaj lus kub los sis cov kev pab cuam, kuv puas muaj peev xwm ua tau raws li cov ciam kev pub muaj neeg nyob ua ke coob tsawg npaum li cas uas siv rau cov tsev ua hauj lwm saib xyuas kev ntseeg?

A11: Tsis tau. Cov kev sib sau nyob ua ke rau ntawm cov chaw nyob ntiag tug yuav tsum tau ua ras li ciam txwv hais txog cov kev sib sau nyob ua ke rau ntawm vaj tsev thiab saum fab sim neej (kev tawm rooj sib ntsib) raws li them kev pheej hmoo uas tau teev tseg uas siv rau lub zos uas qhov teeb tsa qhov kev sib sau nyob ua ke ntawd.

Q12: Cov koom haum xeem (cuab kwv tij) puas raug xam hais tias yog cov tsev ua hauj lwm saib xyuas kev ntseeg thiab yog hais tias yog no puas tso cai rau lawv ua tau raws li cov ciam kev pub muaj neeg nyob ua ke coob tsawg npaum li cas uas siv rau cov tsev ua hauj lwm saib xyuas kev ntseeg?

A12: Tsis tau. Cov koom haum xeem (cuab kwv tij) tsis raug xam tias yog cov tsev ua hauj lwm saib xyuas kev ntseeg. Cov kev sib sau nyob ua ke rau ntawm cov koom haum yuav tsum tau ua raws li cov ciam txwv hais txog kev sib sau nyob ua ke saum fab sim neej (kev tawm rooj sib ntsib) raws li them kev pheej hmoo uas tau faib tseg uas siv rau lub zos uas lub koom haum xeem (cuab kwv tij) ntawd nyob. Dhau ntawd, Cov koom haum xeem (cuab kwv tij) yuav tsum tau ua raws li [Cov Lus Qhia Txog Feem Ua Hauj Lwm uas siv rau Cov Chaw Ua Hauj Lwm Ntsig Txog Kam Noj thiab Kev Haus](#) yog hais tias lawv muag khoom noj thiab khoom dej haus.

Q13: Cov kev ua tshoob ua kos yuav tsum tau ua raws li cov lus qhia twg yog hais tias lawv ua nyob rau hauv cov tsev ua hauj lwm saib xyuas kev ntseeg?

A13: Cov kev ua tshoob ua kos uas ua rau ntawm lub tsev ua hauj lwm saib xyuas kev ntseeg yuav tsum tau ua raws li [cov lus qhia Uas Siv Rau Cov Chaw Ua Hauj Lwm Ntsig Txog Kev Lom Zem Nyob Rau Ntawm Lub Chaw Rau Kev Ua Si Sab Hauv Tsev](#) uas siv rau [theem kev pheej hmoo uas tau teev tseg](#) ntawm lub zos uas lub tsev ua hauj lwm saib xyuas kev ntseeg ntawd nyob.

Q14: Puas tso cai rau lub chaw tshav puam ua si nyob rau ntawm lub chaw rau kev ua si sab hauv tsev ua tau dej num nyob rau hauv ib lub tsev ua hauj lwm saib xyuas kev ntseeg, xws li ib lub chaw qoj ib ce nyob rau hauv tsev tshawj?

A14: Tsuas tso cai rau ua tau dej num rau hauv ib lub tsev ua hauj lwm saib xyuas kev ntseeg nyob rau hauv cov zos uas tso tau cai rau qhib tau lub chaw tshav puam ua si nyob rau ntawm lub chaw rau kev ua si sab hauv tsev ntawd raws li [theem kev pheej hmoo uas tau teev tse](#) uas siv rau lub zos ntawd nkaus xw. Yog hais tias tso cai rau qhib tau raws li theem kev pheej hmoo uas tau teev tseg uas siv rau lub zej zos ntawd, cov chaw qoj ib ce yuav tsum tau ua raws li cov ciaj ciam kev pub muaj neeg nyob ua ke coob tsawg npaum li cas uas yuav tsum ua kom tau uas siv rau lub tshav puam ua si thiab cov chaw mus ua kom ib ce yuag nyob rau ntawm lub chaw rau kev ua si sab hauv tsev thiab ua raws li [Cov Lus Qhia Uas Siv Rau Lub Tshav Puam Ua Si thiab Cov Chaw Mus Ua Kom Ib Ce Yuag Nyob Rau Ntawm Lub Chaw Rau Kev Ua Si Sab Hauv Tsev](#) uas siv rau cov chaw ua hauj lwm txhua yam (thuaj pais) ntawm lub chaw qoj ib ce ntawd.

Cov Tsev Pam Tuag, Cov Tsev Faus Tuag, Cov Toj Ntxas

Q1: Cov kev pam tuag uas ua rau ntawm cov chaw nyob ntiag tug puas yuav tsum tau ua raws li [Cov Lus Qhia Txog Feem Ua Hauj Lwm uas siv rau Cov Tsev Ua Hauj Lwm Saib Xyuas Kev Ntseeg, Cov Tsev Pam Tuag, Cov Tsev Faus Tuag thiab Cov Toj Ntxas](#)?

A1: Cov kev pam tuag uas ua rau ntawm cov chaw nyob ntiag tug yuav tsum tau ua raws li [Cov Lus Qhia Txog Feem Ua Hauj Lwm uas siv rau Cov Kev Sib Sau Nyob Ua Ke Saum Fab Sim Neej \(Kev Tawm Rooj Sib Ntsib\) thiab Cov Kev Sib Sau Nyob Ua Ke Rau Ntawm Vaj Tsev](#). Cov kev pam tuag uas ua rau ntawm cov tsev pam tuag, cov tsev faus tuag los sis cov toj ntxas yuav tsum tau ua raws li [Cov Lus Qhia Txog Feem Ua Hauj Lwm uas siv rau Cov Tsev Ua Hauj Lwm Saib Xyuas Kev Ntseeg, Cov Tsev Pam Tuag, Cov Tsev Faus Tuag thiab Cov Toj Ntxas](#).

Q2: Cov tsev pam tuag thiab cov chaw ua hauj lwm ntawm lub toj ntxas puas yuav tsum tau muab cov chaw ntawd kaw tseg thiab tsuas yog pub qhib rau kev teem caij sib ntsib nkaus xwb, los sis puas muaj peev xwm qhib tau cov qhov rooj uas qhib rau zej tsoom sawv daws?

A2: Cov tsev pam tuag thiab cov chaw ua hauj lwm ntawm lub toj ntxas tsis tas yuav tsum tau muab cov qhov rooj uas qhib rau zej tsoom sawv daws ntawd kaw los sis qhib rau kev teem caij sib ntsib nkaus xws, tab sis tej zaum lawv yuav tsum tau xaiv ua li ntawd. Txhua lub sij hawm, cov tsev pam tuag thiab cov chaw ua hauj lwm ntawm lub toj ntxas yuav tsum tau ua raws li cov ciam kev pub muaj neeg nyob ua ke coob tsawg npaum li cas raws li [theem kev pheej hmoo uas tau teev tseg](#) uas siv rau lub zej zos uas lub tsev pam tuag los sis lub chaw ua hauj lwm ntawm lub toj ntxas ntawd nyob.

Q3: Yog hais tias ib tsev neeg twg tsis kam ua raws li cov cai txiav txim no thiab muaj ib pab pawg neeg coob pib sib sau nyob ua ke rau hauv ib lub tsev pam tuag los sis ntawm qhov chaw nres tsheb ntawm lub toj ntxas, peb puas yuav tsum tau hais tawm qhia txog rau kis nod thiab yog hais tias yuav tsum tau hais, yuav hais tau li cas?

A3: Txhua yam kev ua txhaum txoj cai rau Tsab Ntawv Txib EO 20-66 LOS SIS Xeev Oregon Cov Lus Qhia muaj peev xwm muab qhov lus tsis txaus siab ntawd xa ncaj nraim mus rau [Xeev Oregon Lub Chaw Ua Hauj Lwm Tswj Xyuas Kev Nyab Xeeb thiab Kev Noj Qab Haus Huv Fab Kev Ua Hauj Lwm \(Oregon Occupational Safety and Health Administration, OR-OSHA\)](#). Tsis tas li ntawd, yog hais tias tsim nyog, muaj peev xwm muab cov lus tsis txaus siab xa mus rau [Xeev Oregon Pawg Thawj Coj Uas Saib Xyuas Lub Tsev Faus Tuag thiab Toj Ntxas \(Mortuary & Cemetery Board, OMCB\)](#).

Q4: Qhov kev pub muaj neeg nyob coob tsawg npaum li cas ntawd puas yog saib raws cov them hauj lwm uas ntsig txog hluav taws los sis puas yog tias nws yog ib qho qauv kev xam zauv uas saib raws cov kev cai uas yuav tsum ua kom tau txog ntawm ko tawm puag ncig thiab kev nyob kom sib nrug deb ntawm lub cev?

A4: Koj qhov chaw siv nyob uas pub neeg nyob coob tsawg npaum li cas feem ntau yuav tsum xam nrog rau cov tswv cuab uas yog neeg ua hauj lwm thiab cov tswv cuab ntawm lub lag luam tib si. Rau kev pab ntau ntxiv txog ntawm kev yuav txiav txim siab txog rau koj qhov chaw siv nyob uas pub neeg nyob coob tsawg npaum li cas feem ntau seb yog li cas, ua ntej kev teeb tsa ua ib lub lag luam thiab kev txiav txim siab txog qhov “ciam ciam kev pub muaj neeg nyob coob kawg nkaus” txog ntawm Tus Kab Mob Khaus Viv-19 (COVID-19) ntawd yog li cas, thov koj tiv tauj mus rau [lub chaw ua hauj lwm saib xyuas hluas taws hauv zej zos](#) nrog rau feem saib xyuas kev tso cai nyob rau hauv koj cheeb tsam. Txhawm rau txiav txim siab txog qhov ciam kev pub muaj neeg nyob ua ke coob tshaj plaws raws feem puas uas yuav tsum tau ua raws li them kev pheej hmoo uas tau teev tseg uas siv rau lub zos uas lub lag luam ntawd nyob, thov mus saib rau ntawm [Daim Tsham Qhia Cov Lus Qhia Txog Them Kev Pheej Hmoo Uas Siv Rau Feem Ua Hauj Lwm](#).

Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Lub Chaw Ua Hauj Lwm Saib Xyuas Cov Lus Qhia Paub Txog Fab Kev Noj Qab Haus Huv (Health Information Center) ntawm tus xov tooj 1-971-673-2411, 711 TTY los sis COVID19.LanguageAccess@dhsosha.state.or.us.